

ତୀର୍ଥାଟ୍ଟକ ନିକଟକୁ ପାଠକଙ୍କ ପ୍ରଥମ ପତ୍ର ତୀର୍ଥାଟ୍ଟକରେ ପ୍ରେରିତ ପାଠକଙ୍କୁଆଃ ପାହିଲା ଚିତାଉ ପାରିଚାଏ

ପାହିଲା ତୀର୍ଥାଟ୍ଟକ ପୁଅ ନିଆଁଦ ଚିତାଉ ପ୍ରେରିତ ପାଠକଙ୍କୁଆଃ ହରାତେ ଆୟାଃ ତେଲା ତୀର୍ଥାଟ୍ଟକେ ଅଲକାନା । ପାହିଲା ତୀର୍ଥାଟ୍ଟକ ହରାତାକାଅଆଃ ୨୨-୨୪ କରେ ଯାଶୁ ଶ୍ରୀଷ୍ଟିଆଃ ଜାନାମ୍ ତାୟମତେ ଅଲକାନା । ହରା ଦାଡ଼ିୟାଆ ନେଆଁ ପାଠକଙ୍କୁଆଃ ଜୀଦାନରେୟାଃ ତୁଣ୍ଡ ଦୁପିଲି ତାନାଃ । ପାଠକଙ୍କୁଆଃ ତୀର୍ଥାଟ୍ଟକ ପୁରାଃ ବୁଗିନ୍ ନାତା ତାଇକେନା, ଇନିଃ ପୁରାଃତାଃ ତୀର୍ଥାଟ୍ଟକେ ହନ୍ ମେନ୍ତେ କାଜିକାଦା ଫିଲିପିୟ ୨:୨୨:୧ ତିମଥ ୧:୨-୧୮ । ପାଠକଙ୍କୁଆଃ ହରାତେ ନିହୁଡ଼କେ ଏସକାର ଅଲକାନା ଉପୁନିୟା ଚିତାଉକଏତେ ନେଆଁ ହରାଅଃତାନା ନିଆଁଦ । ଏଟାଃ ଆପିୟା ପୁଅ ହରାଅଃତାନା ୨ ତୀର୍ଥାଟ୍ଟକ, ତିତସ୍, ଆତଃ ଫିଲମନ୍ । ପାହିଲା ତୀର୍ଥାଟ୍ଟକେ କାଲିସିୟାଃତାଃ ସୁନୁସାର ବିଷାଏରେ ମେନାଃ । ୨:୧-୫ ।

ନେଆଁରେ କାଲିସିୟାରେନ୍ ଆଗୁଆଇକଆଃ ତାଇଲ୍ ତାଇଲ୍ ବିଷାଏରେ ମେନାଃ ୩:୧-୧୩ଆତଃ ହସତ ଇତୁକଆଃ ବିଷାଏରେ ଚେନେତାଅ କାଜି ମେନାଃ ୧:୩-୧୧:୪:୧-୫:୨:୨-୫ । କାଲିସିୟାରେ ତୀର୍ଥାଟ୍ଟକ ଚିଲକା ନିଆଁଦ ଆଗୁଆଇ ହରାଅଃ ଲାଗାତିଈୟାଃ, ଏନ୍ ବିଷାଏରେ ପାଠକଙ୍କୁ ନେ ଚିତାଉରେ ଉଦୁକାଦା । ପାହିଲା ତୀର୍ଥାଟ୍ଟକେ ନାହାରେୟାଃ ହାତୁ କାଲିସିୟାକରେ କାମି ରିକା ଲାଗାତିଈ ନାଗେନ୍ତେ କାଲିସିୟାରେନ୍ ଆଗୁଆଇକକେ ପୁରାଃଗି ଏନେଚେଦ ଇନିତୁକ ଏମାକାନା ।

ପୁଅ ଭିତରରେ ତାଇକାନ କାଜି

୧. ପାଠକଙ୍କୁ ତୀର୍ଥାଟ୍ଟକେ ଜହାର କାଜିକେଦତେ ଅନଲ୍ ଏଚେଦ୍ କାଦାଏ । ୧:୧-୨

୨. ପାଉଲୁସ୍ ତୀନଥିକେ ହସଡ଼ ଇତୁକଆଃ ବିରୁଧ୍ରେ
ଚେନେତାଅ ଉଦୁବକାଦାଏ । ୧:୩-୧୧
୩. ଖ୍ରୀଷ୍ଟତାଃରେ ପାଉଲୁସ୍ଆଃ ଧାନ୍ୟାବାଦ୍ । ୧:୧୨-୧୯
୪. କାଲିସିୟାରେୟାଃ ସେଞ୍ଜା କାମି ଆଡ଼ଃ ଆଗୁଆଇକଆଃ
ବିଷାଏରେ ତୀନଥିକେ ପାଉଲୁସ୍ଆଃ ଇନିତୁ । ୨-୩
୫. ତୀନଥିକେ ପାଉଲୁସ୍ଆଃ ଚୁଣ୍ଡ ଇନିତୁ । ୪-୬

୧ ଆଇଙ୍ଗ୍ ପାଉଲୁସ୍, ଆଗୁଆଃ ଜୀଉବାସ୍ତାଅ ଏମଃନିଃ
ପାର୍ମେଶ୍ଵାର୍ ଆଡ଼ଃ ଆଗୁ ଆସ୍ତାଏତାନ୍ ଯୀଶୁ ଖ୍ରୀଷ୍ଟଆଃ ଆନାରୁ
ଲେକାତେ କୁଲକାନନିଃ ତାନିଙ୍ଗ୍,

୨ *ବିଶ୍ଵାସରେନ୍ ସାରତି ହନ୍ ତୀନଥିତାଃତେ ଅଲକାନନ୍ ଚିଟାଉ
: ଆପୁ ପାର୍ମେଶ୍ଵାର୍ ଆଡ଼ଃ ଆଗୁଆଃ ପ୍ରାଭୁ ଯୀଶୁ ଖ୍ରୀଷ୍ଟ ଆପେକେ
ସାୟାଦ୍, ଲିନିବୁଇ ଆଡ଼ଃ ଜୀଉସୁକୁ ଏମାପେକାଏ ।

ହସଡ଼ ଇନିତୁଏତେ ଚିର୍ଗାଲକାନପେ

୩ ଆଇଙ୍ଗ୍ ମାକିଦନିଆତେ ସେନଃତାନ୍ ଇମ୍ତା ଆମ୍ବେ
କାଜିକେଦ୍ମେ ଲେକା ଆମ୍ ଏଫିସୁସ୍ ନାଗାରରେୟ ତାଇନ୍ମେ
ଆଡ଼ଃ ଚିମିନ୍ ହଡ଼କ ଏନ୍ତାଃରେ ହସଡ଼କାଜିକ ଇତୁକତାନା,
ଇନ୍କୁକେ ଏନ୍ ହସଡ଼କାଜିକ ଆଲ୍ପେ ଇତୁକଆ ମେନ୍ତେ ଆରୁକମେ
। ୪ ଆଡ଼ଃ ହଡ଼ତେ ବାଇୟାକାନ୍ କାଥୁନି ଆଡ଼ଃ ହାଡ଼ାମହଡ଼କଆଃ
ଜିଲିଙ୍ଗ୍ କିଲିକଆଃ ଉଡ଼ଃକ ଆଲ୍ପେ ଆୟୁମାଃ ମେନ୍ତେ ଆରୁକମେ,
ଚିୟାଃଚି ନେ ସବେନାଃତେଗି ପାତିୟାର୍ତେ ସାରିୟାତାନ୍
ପାର୍ମେଶ୍ଵାର୍ଆଃ ସେଞ୍ଜା କାମି କା ହବାକେଦ୍ତେ କାପ୍ତଜିକ
ଅଡ଼ଙ୍ଗ୍ଅଃଆ । ୫ ଫାର୍ତି ମନ୍ସୁରୁଦ୍ତେ, ବୁଗିନ୍ ମନ୍ତେ ଆଡ଼ଃ
ସାରତି ବିଶ୍ଵାସତେ ଅଡ଼ଙ୍ଗ୍ଅଃତାନ୍ ଦୁଲ୍ଲାଡ଼କେ ଚିହୁର୍ ରିକାନାଙ୍ଗ୍
ଆଇଙ୍ଗ୍ ଆମ୍ବେଇଙ୍ଗ୍ ଆରୁମେତାନା । ନେଆଁଗି ଧାର୍ମାନ୍ ଇନିତୁ
ତାନାଃ । ୬ ଚିମିନ୍ ହଡ଼କ ନେ ବିଶେଷ୍ କାଜିକ ବାଗିକେଦ୍ତେ
ସାମାକାଜିକରେ ପାତିୟାର୍ତକେଦ୍ତେ ଆକଆଃ ହରାକ ଆଦାକାଦା ।
୭ ଇନ୍କୁ ମୁଣା ନାବୀଆଃ ଆନ୍ତୁରାଃ ଆଇନ୍ ଇତୁକ ହବାଅଃ ନାଙ୍ଗ୍କ
ସାନାଙ୍ଗ୍ତାନା, ମେନ୍ଦ୍ ଇନ୍କୁ ଆକଗି କାଜିତାନ୍ତେୟାଃ ଆଡ଼ଃ

* ୧:୨ ୧:୨ ପ୍ରେରିଡ଼ ୧୭:୧.

ଆକାଶ ଉଡ଼ୁକତାନ୍ ପକ୍ତାନ୍ କାଜିକେ କାକ ଆକାଶରୁରୁମେତାନା ।

୮ ଆବୁ ସାରିତାନାରୁ ଯେ, ଜେତାଏ ହତ ମୁଶାରାଃ ଆନ୍ତୁ ଲେକାଗି ବୁଗିଲେକାଏ କାମିରେଦ ଏନା ବୁଗିନ୍ ତାନାଃ । ୯ ଆତଃ ଧାରମାନ୍ ହିତକ ନାଗେନ୍ତେ ଆନ୍ତୁ କା ଦହାକାନା, ମେନ୍ଦ ଆନ୍ତୁ ବାନଃ ଏତକାନ୍ ହିତକ ନାଜ୍, ଆପାନ୍ ସାନାଜ୍ତାନଲେକା କାମିତାନ୍କ ନାଜ୍, ପାରମେଶ୍ଵାରକେ କା ବରତାନ୍କ ନାଜ୍, ପାପକାମିରେ ତାଇନ୍ତାନ୍କ ନାଜ୍, ସତ୍ତରାକାନ୍କ ନାଜ୍, ଆତଃ କା ଧାରମାନ୍ କାମି କାମିତାନ୍କ ନାଜ୍, ଏଜା, ଆପୁକିନ୍କେ ଗଏଃତାନ୍କ ନାଜ୍, ହତ ଗଗଏଃକ ନାଜ୍, ୧୦ ଆପାଜ୍ରିତାନ୍କ ନାଜ୍, କଡ଼ା କଡ଼ାକଲଃ ଆପାଜ୍ରିତାନ୍କ ନାଜ୍, ହତ ଆଖ୍ରିଜ୍ତାନ୍କ ନାଜ୍, ବେଦାତାନ୍କ ନାଜ୍, ହସତ ଗାଞ୍ଜା ଏମ୍ତାନ୍କ ନାଜ୍ ଆତଃ ସବେନ୍ ବୁଗିନ୍ ଇନିତୁରେ କାଜିକେସେଦ୍ତାନ୍କ ନାଜ୍ ନେ ଆଇନ୍ ବାଇୟାକାନା । ୧୧ ପୁରାଃ ମାନାରାଜ୍ ସୁକୁଆନ୍ ପାରମେଶ୍ଵାରଆଃ ସୁକୁକାଜିରେ ସବେନ୍ ବୁଗିନ୍ ଇନିତୁ ଦହାକାନା । ଏନ୍ ସୁକୁକାଜିକେ ଉଦ୍ବୁ ନାଗେନ୍ତେ ଆଇଜ୍କେ ବାହାରମ୍ ଏମାକାନ୍ ତାଇକେନା ।

ପାରମେଶ୍ଵାରଆଃ ଲିନିବୁଇ ନାଗେନ୍ତେ ଧାନଧାବାଦ

୧୨ ଆୟାଃ କାମିରେ ପେଡ଼େଃ ଏମାକାଦିଜ୍ ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟକେଇଜ୍ ଜହାରିତାନା । ଇନିଃ ଆଇଜ୍କେ ପାତିୟାରରଃନିଃ ଲେକା ଆକାଶକେଦ୍ତେ ଆଇଃକ୍କେ ସେଞ୍ଜା ନାଜ୍ ସାଲାକାଦିୟାଏ । ୧୩ ☆ଆଇଜ୍ଦ ସିଦାକରେ ଯୀଶୁ ଖ୍ରୀଷ୍ଟକେଇଜ୍ ନିନ୍ଦାକିୟା, ସାସାତିକିୟା, ଆତଃ ଲାନ୍ଦାକିୟା, ଏନ୍ରେହ ପାରମେଶ୍ଵାର ଆଇଜ୍କେ ଦାୟାକେଦିୟା, ମେନ୍ଦ ଆଇଜ୍ ତିନାଃ କାମି ତାଇନାଇଜ୍ ଏନା କା ବିଶ୍ଵାସ୍ତେ ଆତଃ ବେଗାର୍ ସାରିତେଇଜ୍ କାମିକାଦା । ୧୪ ଆତଃ ଆବୁଆଃ ପ୍ରାଭୁଆଃ ସାୟାଦ୍ ପୁରାଃଗି ଆଦକାୟାନ୍ ହରାତେ ଆଇଜ୍ ଯୀଶୁ ଖ୍ରୀଷ୍ଟରେ ବିଶ୍ଵାସ୍ ଆତଃ ଦୁଲାଡ଼ରାଃ ମେନେସାରେ ମେନାଇୟା । ୧୫ ପାପି ହିତକକେ ବାଞ୍ଛାଅ ନାଗେନ୍ତେ ଯୀଶୁ ଖ୍ରୀଷ୍ଟ ଅତେଦିଶୁମ୍ତେ ହିଜ୍ଠୟାନା, ନେ କାଜି ପାତିୟାରରଃ ଲେକାନ୍ କାଜି ତାନାଃ,

☆ ୧:୧୩ ୧:୧୩ ପ୍ରେରିତ୍ ୮:୩; ୯:୪,୫.

ନେଆଁକେ ସବେନକ ବିଶ୍ୱାସ୍ ଆଡ଼ଃ ତେଲ୍ଲାଦାରମେ ଲାଗାତିଙ୍ଗ୍‌ୟାଃ । ଆଇଙ୍ଗ୍ ଇନ୍‌କୁଏତେ ପୁରାଃଗି ଏଡ଼କାନନିଃ ତାନିଙ୍ଗ୍ । ^{୧୭} ଆଇଙ୍ଗ୍ ମାରାଙ୍ଗ୍‌ଉଡ଼ାର୍ ପାପି ତାନିଙ୍ଗ୍‌ରେୟ୍ ଯୀଶୁ ଖ୍ରୀଷ୍ଟ୍‌ଆଃ ସବେନ୍ ସାହାତିଙ୍ଗ୍ ଜୀଝାନ୍ ଉଦୁବ୍ ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ ଦାୟାକେଦିୟା । ଏଟାଃକ ଜେ'ଲେକା ଯୀଶୁ ଖ୍ରୀଷ୍ଟ୍‌ତାଃରେ ବିଶ୍ୱାସେୟାକ ଆଡ଼ଃ ଜାନାଅ ଜୀଦାନକ ନାମେୟା । ଏନା ନାଗେନ୍ତେ ଆଇଙ୍ଗ୍ ଇନ୍‌କୁଆଃ ନାଙ୍ଗ୍ ନାମୁନାଇଙ୍ଗ୍ ବାଇୟାକାନା । ^{୧୮} କା ଜିୟନଃତାନ୍, କା ନେଲଃତାନ୍, ମିଆଁଦ୍‌ଗି ପାର୍‌ମେଶ୍ୱାର୍ ଜାନାଅ ଜାନାଅରେନ୍ ରାଜା, ଇନିୟାଃ ଏସ୍‌କାର୍ ମାଇନାନ୍ ଆଡ଼ଃ ମାନାରାଙ୍ଗ୍ ଯୁଗ୍ ଯୁଗ୍ ହବଃଅକା ! ଆମେନ୍ ।

^{୧୯} ହେ ଦୁଲାଡ଼୍ ହନ୍ ତାମଥ୍, ଆମାଃ ନାଙ୍ଗ୍ ସିଦାରେ କାଜିୟାକାନ୍ ଆୟାରକାଜି ଲେକାତେ ଆଇଙ୍ଗ୍ ଆମ୍‌କେ ଆରୁମେତାନାଇଙ୍ଗ୍, ଏନ୍ ଲେକାଗି ଆମ୍ ସବେନ୍ ଆୟାରକାଜି ହରାତେ ବୁଗିଲେକାମ୍ ଲାଡ଼ାଇ ଦାଡ଼ିୟା । ^{୧୯} ଆମ୍ ବିଶ୍ୱାସ୍ ଆଡ଼ଃ ବୁଗିନ୍ ସେଣା ସାବେମେ, ନେଆଁ ବାଗିକେଦ୍ ନାଗେନ୍ତେ ତିମିନ୍ ହଡ଼କ ଆକଆଃ ବିଶ୍ୱାସକ ଜିୟନକାଦା । ^{୨୦} ଇନ୍‌କୁଏତେ ହୁମନାୟ୍ ଆଡ଼ଃ ଆଲେକଜାଣ୍ଟ୍‌ର, ନେ ବାରାନ୍‌କିନ୍ ତାନ୍‌କିନ୍ । ନେ ବାରାନ୍‌କିନ୍‌କେ ଆଇଙ୍ଗ୍ ସାଏତାନ୍‌ଆଃ ତିଃଇରେଇଙ୍ଗ୍ ଜିମାକେଦ୍‌କିନା, ଜେ'ଲେକାତି ଇନ୍‌କିନ୍ ପାର୍‌ମେଶ୍ୱାର୍‌କେ କା ନିୟାଇ ନାଗେନ୍ତେ ଇନିଡୁକିନ୍ ନାମେୟା ।

୨

କାଲିସିୟାରେ ପ୍ରାଭୁକେ ସେଝାଇରାଃ ଇନିଡୁ

^୧ ଆଇଙ୍ଗ୍ ସିଦାତେ କାଜିଗରଙ୍ଗ୍ ତାନାଇଙ୍ଗ୍, ସେଝାତାନ୍ ଇମତା ସବେନକ ନାଗେନ୍ତେ ପାର୍‌ମେଶ୍ୱାର୍‌ତାଃରେ ବିକ୍ରି, ଏଟାଃକ ନାଙ୍ଗ୍ ବିକ୍ରି, ଆଡ଼ଃ ଧାନ୍ୟାବାଦ୍ ଏମେପେ । ^୨ ନେ'ଲେକାଗି ରାଜାକଆଃ ନାଙ୍ଗ୍ ଆଡ଼ଃ ଆକ୍‌ତେୟାର୍ ନାମାକାଦକ ନାଙ୍ଗ୍ ବିକ୍ରିପେ, ଜେ'ଲେକା ପାର୍‌ମେଶ୍ୱାର୍‌କେ ବରଭାକ୍ତିତାନ୍‌ଲଃ ସାଲ୍‌ସାନ୍ତ୍‌ଗିବୁ ତାଇନା ଆଡ଼ଃ ଏଟାଃକଲଃ ସୁକୁଜୀଉରେ ଜୀଦାନ୍‌ବୁ ବିତାଅ ଦାଡ଼ିୟା । ^୩ ନେ'ଲେକାନ୍ ବିକ୍ରି ଆରୁଆଃ ଜୀଉ ବାଞ୍ଚାଅନିଃ ପାର୍‌ମେଶ୍ୱାର୍‌ଆଃ ଆୟାରରେ ବୁଗିନ୍ ଆଡ଼ଃ ସୁକୁଆନ୍‌ଗିୟା । ^୪ ସବେନ୍ ହଡ଼କଆଃ

ଜୀଉ ବାସ୍ତାଅଧକା ଆତଃ ସାର୍ତ୍ତି ବିଷାଏରେ ସେଣ୍ଟିକ ନାମେକା
 ମେନ୍ତେ ଇନିୟାଃ ସାନାଙ୍ଗତାନାଃ । * ଚିୟାଃଚି ମିଆଁଦ୍‌ଗି ପାର୍‌ମେଶ୍ଵାର୍
 ମେନାଇୟା । ହତ୍‌କକେ ପାର୍‌ମେଶ୍ଵାର୍‌ତାଃତେ ଆଉ ହୁଣ୍ଡିକନାଙ୍ଗ୍
 ମିହୁଡ୍‌ଗି ମେନାଇୟା, ଇନିଃ ହବାଅଃତାନାଏ ମାନଝାହନ୍ ଯୀଶୁ
 ଖ୍ରୀଷ୍ଟ୍ । ୨ ଇନିଃ ସବେନ୍‌କକେ ପାପ୍‌ହେତେ ରାଡ୍‌ ନାଗେନ୍ତେ
 ଆଇଃକ୍‌ଗି ଦାଣ୍ଟେରାକାୟ୍‌ୟାନାଏ, ନେଆଁତେ ଆଟ୍‌କାର୍‌ୟାନା ଯେ,
 ପାର୍‌ମେଶ୍ଵାର୍ ଠାଉକା ନେତାରେ ସବେନ୍ ହତ୍‌କକେ ବାସ୍ତାଅ
 ନାଗେନ୍ତେ ସାନାଙ୍ଗତାନା, ଏନାରେୟାଃ ସାବୁଦ୍ ଏମାକାଦାଏ ।
 ୩ *ଏନ୍ ସାର୍‌ତ୍ତି ଆତଃ ବିଶ୍ଵାସ୍‌ରାଃ କାଜି ସାଆଁସାର୍‌କତାଃରେ ଉଦ୍‌ବ୍
 ନାଗେନ୍ତେ ଆଇଙ୍ଗ୍ ମିଆଁଦ୍ ଇତ୍ତୁନିଃ ଆତଃ କୁଲ୍‌କାନିନିଃ ଲେକାଇଙ୍ଗ୍
 ସାଲ୍‌କାନା । ଆଇଙ୍ଗ୍ କାଇଙ୍ଗ୍ ବେଦାତାନା, ସାର୍‌ତିଗିଙ୍ଗ୍ କାଜିତାନା
 ।

୮ ସବେନ୍ କାଲିସିୟାରେୟାଃ ସେଝାକାମିରେ ହତ୍‌କ, ପାବିତାର୍
 ହତ୍‌କ ବେଗାର୍ ଖ୍‌ସ୍‌ତେ ଆତଃ ବେଗାର୍ କାପ୍‌ଜିତେ ଡିଃଇ
 ରିମ୍‌କେଦ୍‌ତେ ବିନ୍ତିପେ ମେନ୍ତେ ଆଇଙ୍ଗ୍ ସାନାଙ୍ଗତାନାଇଙ୍ଗ୍ ।
 ୯ *ଏନ୍‌ଲେକାଗି କୁଡ୍‌କିହ୍‌ଗି ଆକଆଃ ଲିଜାଃ ତୁସିଙ୍ଗ୍‌ଆଁଃରେ
 ବୁଗିଲେକାତେ ତୁସିଙ୍ଗ୍‌ଆଁକାକ, ଉବ୍‌କେ ବାଇ ବାଇତେ କା
 ଗାଲ୍‌କାକେଦ୍‌ତେ, ସୋନା ଚାଏ ମତି ଚାଏ ପୁରାଃ ଗନଙ୍ଗ୍‌ରାଃ ଲିଜାଃ
 ଆଲ୍‌କାକ ତୁସିଙ୍ଗ୍‌ଆଁକା । ୧୦ ମେନ୍‌ଦ ବୁଗିନ୍ କାମିରେୟାଃ ସିଙ୍ଗ୍‌ରରେ
 ଆକ ଆକଗି ସିଙ୍ଗ୍‌ରଃକାକ, ଆତଃ ଧାର୍‌ମାନ୍ କୁଡ୍‌କି ମେନ୍ତେକ
 କାଜିନ୍‌କା । ୧୧ କୁଡ୍‌କି ସବେନ୍ କାଜିକରେ ହାପାଅଃ ନାଗେନ୍ତେ ଆତଃ
 ଲେବେଃ ମନ୍‌ରେ ଇତ୍ତୁନ୍ ନାଗେନ୍ତେ ଲାଗାତିଙ୍ଗ୍‌ୟାଃ । ୧୨ କୁଡ୍‌କି
 ଇତ୍ତୁକକାକ ଚାଏ କଡ୍‌କଆଃ ଚେତାନ୍‌ରେ ଆକ୍‌ତେୟାର୍‌ରେକାକ
 ମେନ୍ତେ ଆଇଙ୍ଗ୍ କାଇଙ୍ଗ୍ ଆତୁକତାନା, ମେନ୍‌ଦ ଇନ୍‌କୁ ହାପାକାନିଗି
 ତାଇନ୍‌କାକ । ୧୩ ଚିୟାଃଚି ପାର୍‌ମେଶ୍ଵାର୍ ସିଦାତେ ଆଦାମ୍‌କେ
 ବାଇକିୟା, ଏନ୍ ତାୟ୍‌ମତେ ହାଝାକେ । ୧୪ ଆତଃ ସିଦାତେ
 ଆଦାମ୍ କାଏ ବେଦାୟାନା, ମେନ୍‌ଦ କୁଡ୍‌କି ବେଦାୟାନାଏ ଆତଃ
 ପାର୍‌ମେଶ୍ଵାର୍‌ଆଃ ଆନ୍‌ରୁକେ ଟଟାଃକେଦା । ୧୫ ମେନ୍‌ଦ ଇନ୍‌କୁ
 ବୁଗିନ୍ ସେଣ୍ଟିଲଃ ବିଶ୍ଵାସ୍, ଦୁଲ୍‌କାଡ୍, ଆତଃ ପାବିତାର୍‌ରେ ଆବର୍‌ଗି
 ତାଇନ୍‌ଃରେଦ, ଇନ୍‌କୁ ଏଙ୍ଗା ହବାଅଃ ହରାତେ ପାରିତ୍ରାଣ୍ ନାମ୍

☆ ୨:୭ ୨:୭ ୨ ତିମଥ୍ ୧:୧୧. ☆ ୨:୯ ୨:୯ ୧ ପାଡ୍‌ରାସ୍ ୩:୩.

ଦାଡ଼ିୟାକ ।

୩

କାଲିସିୟାରେନ୍ ଆଗୁଆଇକ

୧ ନେ କାଜି ସାରତିଗି ତାନାଃ, ଜେତାଏ କାଲିସିୟାରେନ୍ ଆଗୁଆଇ ହବାଅଃନାଙ୍ଗ୍ ସାନାଙ୍ଗ୍ରେଦ, ଇନିଃ ବୁଗିନ୍ କାମି ରିକା ନାଙ୍ଗ୍ ସାନାଙ୍ଗ୍ଆଃଏ । ୨ *ତିୟାଃତି କାଲିସିୟାରେନ୍ ଆଗୁଆଇକଦ ବେଗାର୍ ତିଟାକାନ୍ ଲେକା ତାଇନ୍ ଲାଗାତିଙ୍ଗ୍ୟାଃ, ଇନିୟାଃ ମିଆଁଦ୍ଗି କୁଡ଼ି ତାଇନ୍ ଲାଗାତିଙ୍ଗ୍ୟାଃ, ଲେବେଃମନ୍ନିଃ, ଆପାନ୍କେ ଆବରରେ ଦହନିଃ, ମାଇନ୍ ନାମେତାନ୍ନିଃ, ଆପ୍ନାଃ ଅଡ଼ାଃତେ ହିଜୁଃନିଃକେ ଦାରମିନିଃ ଆଡ଼ାଃ ଇନିଃ ଇତୁ ଦାଡ଼ିଲେକାନ୍ନିଃ ତାଇନ୍କାଏ, ୩ ଇନିଃ ଇଲିଆରଖ୍ତେ ବୁଲ୍ଲଃମନ୍ନିଃ ଚାଏ ଏଡ଼କାନ୍ନିଃ ଆଲକାଏ ହବାଅଃକା, ମେନ୍ଦ ଲେବେଃମନ୍ନିଃ ଆଡ଼ାଃ ବାପାଇନିଃ ତାଇନ୍କାଏ । ଚାକା ପାଏସା ଦୁଲ୍ଲାଡ଼ିନିଃ ଆଲକାଏ ହବାଅଃକା, ୪ ଇନିଃ ଆୟାଃ ଅଡ଼ାଃରେନ୍କକେ ବୁଗିଲେକାତେ ଚାଲାଅ ଦାଡ଼ିକ ଲେକା ଆଡ଼ାଃ ଆୟାଃ ହନ୍କ ଆଇଃକକେ ସବେନ୍ ଲେକାନ୍ ମାଇନ୍ତେ ମାନାତିଙ୍ଗ୍ ଲେକାଏ ତାଇନ୍କା । ୫ ଜେତାଏ ଆୟାଃ ଅଡ଼ାଃରେନ୍କକେ ବୁଗିଲେକାତେ ଚାଲାଅ ନାଗେନ୍ତେ କାଏ ଇତୁଆନ୍ରେଦ ଇନିଃ ପାର୍ମେଶ୍ଵାର୍ଆଃ କାଲିସିୟାକେ ଚିଲ୍କାତେ ଚାଲାଅ ଦାଡ଼ିୟା ? ୬ ଆଡ଼ାଃ ଇନିଃ ଖ୍ରୀଷ୍ଟ୍ ବିଶ୍ଵାସରେ ପକ୍ତାକାନ୍ଗି ତାଇନ୍ ଲାଗାତିଙ୍ଗ୍ୟାଃ, କା'ରେଦ ଇନିଃ ସାମାଗି ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ତାନ୍ଲଃ ସାଏତାନ୍ ଲେକା ସାଜାଇରେ ଉୟୁଗଃଆ । ୭ ଇନିଃ ଆଲକାଏ ଗିହୁଗଃକା ଆଡ଼ାଃ ସାଏତାନ୍ରାଃ ଫାଁସ୍ରିରେ ଆଲକାଏ ଉୟୁଗଃକା, ଏନାମେନ୍ତେ ଇନିଃକେ ବାହାରି କାଲିସିୟାରେନ୍ ହଡ଼କତାଃଏତେ ହଗି ମାଇନ୍ ନାମେଲେକାନ୍ନିଃ ହବାଅଃ ଲାଗାତିଙ୍ଗ୍ୟାଃ ।

କାଲିସିୟାରେ ଦେଙ୍ଗାତାନ୍କ

୮ କାଲିସିୟାରେନ୍ ଦିକାନ୍କ ବୁଗିନ୍ ତାଇଲ୍ ଚାଲାନ୍ ଆଡ଼ାଃ ମାଇନ୍ ନାମେଲେକା ହବାଅଃ ଲାଗାତିଙ୍ଗ୍ୟାଃ । ଇନ୍କୁ ଇଲିଆରଖ୍

* ୩:୨ ୩:୨ ତିତସ୍ ୧:୭-୯.

ଆଲକାକ ନୁଁଏକା ଆଡ଼ଃ ଟାକା ପାଏସାରେଆଃ ଲାଲାର୍ରେ
 ଆଲକାକ ତାଇନ୍‌କା । ୯ ଇନ୍‌କୁ ଆରୁଆଃ ଧାରାମ୍ ବିଶ୍ୱାସ୍‌ରେୟାଃ
 ଉନ୍ନୁଦ୍‌ କାଜିରେୟାଃ ସାର୍‌ତିତେୟାଃକେ ଫାର୍‌ତି ବିବେକ୍‌ତେ
 ପୁରାଃ କେଟେଦ୍ ବିଶ୍ୱାସ୍‌ରେ ତାଇନ୍‌କାକ । ୧୦ ଇନ୍‌କୁକେ ହଗି
 ସିଦାତେ ବିଡ଼ାଅ ଲାଗାତିଙ୍ଗ୍‌ୟାଃ, ଏନ୍ତେ ବେଗାର୍ ଚିଟାକାନ୍
 ଲେକାକ ନେଲ୍‌ରେଦ୍, ଦିକାନ୍ ଲେକା ସୁନ୍ନୁସାର୍ କାମିକା କାମିକା
 । ୧୧ ଏନ୍‌ଲେକାଗି ଆକଆଃ କୁଡ଼ିକଆଃ ତାଇଲ୍ ତାଲାନ୍ ବୁଗିନ୍
 ହବାଅଃ ଲାଗାତିଙ୍ଗ୍‌ୟାଃ ଆଡ଼ଃ ଏଟାଃନିୟାଃ ବିରୁଧ୍‌ରେ ନିନ୍ଦା କାଜିକ
 କା କାଜିକେଦ୍‌ତେ ଲେବେଃଫନ୍‌ନିଃ, ଆଡ଼ଃ ସବେନ୍ କାଜିକରେ
 ପାତିୟାର୍‌ରଃ ଲେକା ତାଇନ୍ ଲାଗାତିଙ୍ଗ୍‌ୟାଃ । ୧୨ କାଲିସିୟାରେନ୍
 ଦିକାନ୍‌କଆଃ ମିଆଁଦ୍‌ଗି କୁଡ଼ି ତାଇନ୍ ଲାଗାତିଙ୍ଗ୍‌ୟାଃ ଆଡ଼ଃ
 ଆକଆଃ ହନ୍‌କ ଆଡ଼ଃ ଆକଆଃ ଅଡ଼ାଃରେନ୍‌କକେ ବୁଗିଲେକାତେ
 ଚାଲାଅକୁକାକ । ୧୩ ବୁଗିଲେକାତେ ସୁସାର୍‌ତାନ୍ ଦିକାନ୍‌କ,
 କାଲିସିୟାରେ ଇନ୍‌କୁ ଆକଆଃ ନାଗେନ୍ତେ ମାଇନ୍‌କ ନାମେୟା
 ଆଡ଼ଃ ଯାଶୁ ଖ୍ରୀଷ୍ଟ୍‌ରେ ବିଶ୍ୱାସ୍‌କାଦ୍ କାଜି ପୁରାଃ ସାହାସ୍‌କେଦ୍‌ତେକ
 କାଜି ଦାଡ଼ିୟା ।

ପାର୍‌ମେଶ୍ୱାର୍‌ଆଃ ଉକୁଆକାନ୍ କାଜି

୧୪ ଆଇଙ୍ଗ୍ ଜାଲ୍‌ଦିଗି ହିଜୁଃକେଦ୍‌ତେ ଆମ୍‌କେ ନେଲ୍‌ମେରାଃ
 ଆସ୍ତାରେ, ନେ ଚିଠାଉ ଆମାଃତାଃତେଇଙ୍ଗ୍ ଅଲେତାନା ।
 ୧୫ ମେନ୍‌ଦ୍ ଆଇଙ୍ଗ୍ ହିଜୁଃ ନାଙ୍ଗ୍ ବିଲାମେରେଦ୍, ଜାନିଦ୍
 ପାର୍‌ମେଶ୍ୱାର୍‌ଆଃ ଅଡ଼ାଃରେ ଆରୁଆଃ ତାଇଲ୍ ତାଲାନ୍ ଚିଲ୍‌କା
 ହବାଅଃ ଲାଗାତିଙ୍ଗ୍‌ୟାଃ, ଏନା ଆମ୍ ନେ ଚିଟାଉରେମ୍ ସାରି ଦାଡ଼ିୟା
 । ନେ ଜାନିଦ୍ ପାର୍‌ମେଶ୍ୱାର୍‌ଆଃ କାଲିସିୟାଗି ସାନାର୍‌ତିରାଃ ଖୁଶୁ
 ଆଡ଼ଃ ନିହିଁଗାଡ଼ା ତାନାଃ । ୧୬ ଆରୁଆଃ ଧାରାମ୍ ବିଶ୍ୱାସ୍‌ରାଃ
 ନେ ମାରାଙ୍ଗ୍ ଉକୁଆକାନ୍ ବିଷାଏକେ ସବେନ୍‌କ ମାନାତିଙ୍ଗ୍
 ଦାଡ଼ିୟଃତେୟାଃ ତାନାଃ, ଖ୍ରୀଷ୍ଟ୍ ମାନ'ଖା ହଡ଼ଫ‌ତେ ହିଜୁଃୟାନା,
 ପାବିତାର୍ ଆମ୍ ଇନିଃକେ ଧାର୍‌ମାନ୍ ହଡ଼ ମେନ୍ତେ ସାରୁଦ୍‌କିୟା,
 ଦୁଡ଼କତାଃରେ ନେଲ୍‌ରିକାୟାନା, ସବେନ୍ ହଡ଼କତାଃରେ ଇନିୟାଃ

ବିଷାଏ ଉଦ୍ଭବମାନା, ଅତେଦିଶୁମ୍ଭରେ ଇନ୍ଦିଃ ପାତିୟାର୍‌ରଃ ଲେକାଏ ହବାୟାନା, ଆତଃ ମାନାରାଜ୍‌ରେ ସିର୍ମାତେ ଇଦିୟାନା ।

୪

ହସଡ଼ ଇତୁକ

୧ ପାବିତାର୍‌ ଆମ୍‌ ଫାର୍‌ଚାଫାର୍‌ତି କାଜିତାନା, ତାୟମ୍‌ ଦିପିଲିରେ ଚିମିନ୍‌ ହଡ଼କ ଖ୍ରୀଷ୍ଟ ବିଶ୍ୱାସକେକ ବାରିୟା ଆତଃ ବେଦାତାନ୍ ଆମ୍‌କକେ ମାନାତିଜ୍‌କେଦତେ ବଜ୍ଞାକଆଃ ଇନ୍ଦିତୁ ହରାକ ଅତଜ୍‌ୟେଆ । ୨ ଇନ୍‌କୁ ହସଡ଼ ଇତୁକ ଆତଃ ବେଦାତାନ୍ ହଡ଼କ ତାନ୍‌କ । ଇନ୍‌କୁଆଃ ବିବେକ୍‌କ ଗଜାକାନା ଆତଃ ଅଣ୍ଡୁରକାନା । ୩ ଏନ୍‌ ହସଡ଼ ଇତୁତାନ୍‌କ ଆଶ୍‌ଦି ନାଗେନ୍ତେ ଆତଃ ଚିମିନ୍‌ ଜମେତେୟାଃକ ଜମ୍‌ ନାଗେନ୍ତେ କା ବୁଗିନାଃ ମେନ୍ତେକ ଇତୁଆଃ । ମେନ୍‌ଦ ପାର୍‌ମେଶ୍ୱାର୍‌କେ ବିଶ୍ୱାସତାନ୍‌କ ଆତଃ ସାନାର୍‌ତିକେ ସାରିତାନ୍‌ ହଡ଼କ ନାଜ୍‌ ଧାନ୍ୟାବାଦ୍ ଏମ୍‌ତାନ୍‌ଲଃ ଜମେ ନାଗେନ୍ତେ ପାର୍‌ମେଶ୍ୱାର୍‌ ନେ ସବେନାଃଏ ବାଈୟାକାଦା । ୪ ଚିୟାଃତି ପାର୍‌ମେଶ୍ୱାର୍‌ ବାଈୟାକାଦ୍ ସବେନାଃ ବୁଗିନ୍‌ଗିୟା, ଆତଃ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍‌କେଦତେ ବିକ୍ରିତାନ୍‌ଲଃ ତେଲ୍‌ଏରେଦ ଜେଡ଼ନାଃ କା ଗେନାଆତମଃଆ । ୫ ଚିୟାଃତି ପାର୍‌ମେଶ୍ୱାର୍‌ଆଃ ବାଚାନ୍‌ ଆତଃ ବିକ୍ରି ହରାତେ ଏନା ପାବିତାର୍‌କାନା ।

ୟାଶୁ ଖ୍ରୀଷ୍ଟଆଃ ବୁଗିନ୍‌ ଦାସି

୬ ହେ ତୀମଥୁ, ଆମ୍‌ ବିଶ୍ୱାସକାଦ୍ ଆତଃ ଅତଜ୍‌ଆଉକାଦ୍ ସାର୍‌ତି ଇନ୍ଦିତୁକେ ଆମାଃ ହାଗା ମିଶିକକେମ୍‌ ଇତୁକରେଦ, ଆମ୍‌ ଯାଶୁ ଖ୍ରୀଷ୍ଟଆଃ ବୁଗିନ୍‌ ଦାସିମ୍‌ ହବାଅଃଆ । ୭ ପାର୍‌ମେଶ୍ୱାର୍‌ କାଏ ସୁକୁଃ ଲେକାନ୍‌ ସାମାକାଜିକକେ ବାରିକେଦତେ ଆମାଃ ଧାର୍‌ମାନ୍‌ ଜୀଦାନ୍‌କେ କେଚେଜେ ନାଗେନ୍ତେ ଇତୁମ୍‌ମେ । ୮ ଚିୟାଃତି ହଡ଼ମ୍‌ରେୟାଃ କାସ୍‌ରାଡ଼ କାଟିଃଲେକା ବୁଗିନ୍‌ଗିୟାଃ, ମେନ୍‌ଦ ପାର୍‌ମେଶ୍ୱାର୍‌ଆଃ କାଜିଲେକା ଜୀଦାନ୍‌ ବିତାଅତେୟାଃ ସବେନ୍‌ ଲେକାତେ ବୁଗିନାଃ, ଚିୟାଃତି ନେ ଦିପିଲି ଆତଃ ହିନ୍ଦୁଃ ଦିପିଲି, ନେ ବାରାନ୍‌ ଦିପିଲିରେୟାଃ ଜୀଦାନ୍‌ ନାଗେନ୍ତେ ବାନାର୍‌ସା ଏମାକାନା

ଆଡ଼ଃ ଏନା ପୁରାଃଗି ବୁଗିନାଃ ତାନାଃ ।^୯ ନେଆଁ ସାର୍ତି କାଜି ତାନାଃ, ଆଡ଼ଃ ନେଆଁକେ ତେଲ୍ୟାଏ ଲେକାନାଃ ତାନାଃ ।^{୧୦} ଏନା ନାଗେନ୍ତେଦ୍ ଆବୁ ସବେନ୍ଦକ ଲାଗାଡ଼ତାରଃଗିବୁ କାମିତାନା, ଚିୟାଃତି ଆବୁ ଜାନିଦ୍ ପାର୍ମେଶ୍ଵାର୍ତଃରେବୁ ଆସ୍ରାକାଦା, ଇନିଃ ସବେନ୍ଦ ହଡ଼କଆଃ ଆଡ଼ଃ ଆଇଃକକେ ବିଶ୍ଵାସ୍ତାନକଆଃ ବାଞ୍ଛାଅନିଃ ତାନିଃ ।

^{୧୧} ଆମ୍ ଇନ୍ଦକୁକେ ନେ ସବେନ୍ଦ ବିଷାଏକ ଆରୁକମେ ଆଡ଼ଃ ଇଡୁକମେ । ^{୧୨} ଆମାଃ ଜାଞ୍ଜାନ୍ ଦିପିଲି ନାଗେନ୍ତେ ଜେତାଏ ଆମ୍‌କେ ଆଲକାକ ହିଲାଇମେକା, ମେନ୍ଦ ଆମାଃ କାଜିରେ, ତାଇଲ୍ ତାଇଲ୍‌ରେ, ଦୁଲାଇଡ଼ରେ, ବିଶ୍ଵାସ୍‌ରେ ଆଡ଼ଃ ଫାର୍‌ତିରେ, ବିଶ୍ଵାସୀକ ନାଜ୍ ନାମୁନା ହବାଅଃମେ । ^{୧୩} ଆଇଜ୍ ଆମାଃତାଃ ଆଡ଼ରି ହିଲୁଃ ଜାକେଦ୍, ଧାରାମ୍‌ପୁଅ ପାଢ଼ାଅରେ, ପାର୍‌ଚାର୍ କାମିରେ, ଆଡ଼ଃ ଇନିଡୁରେ ନେତା ଏମେମେ । ^{୧୪} କାଲିସିୟାରେନ୍ଦ ପ୍ରାଚିନ୍ଦକ ଆମ୍‌କେ ପାର୍ମେଶ୍ଵାର୍‌ଆଃ କାଜି କାଜିକେଦ୍‌ତେ ଆମାଃ ବହଃ ଚେତାନ୍‌ରେ ତିଃଇ ଦହକେଦ୍ ଇମ୍‌ତା ଆମ୍ ଅକ ଆମ୍‌କ୍ ଦାନ୍‌କ ନାମାକାଦ୍ ତାଇକେନାମ୍, ଏନାକେ ଆଲମ୍ ହେଡ଼ା*ଏୟା । ^{୧୫} ଏନ୍ ସବେନ୍ଦ କାଜିକାମିକରେ ବୁଗିନ୍ କାମିନିଃ ହବାଅଃମେ ଆଡ଼ଃ ଏନାକରେ ତାଇକାନ୍‌ମେ, ଏନାତେ ଆମାଃ କାଜିକାମି ସବେନ୍ଦକତାଃରେ ଆୟୁର୍‌ତେ ବାଢ଼ାଅଇଦିୟଃଆ । ^{୧୬} ଆମାଃ ନାଜ୍ ଆଡ଼ଃ ଆମାଃ ଇନିଡୁ ନାଜ୍ ଚିର୍ଗାଲାନାନ୍ ତାଇନ୍‌ମେ, ନେ ସବେନ୍ଦ କାଜିକାମିକରେ ତାଇକାନ୍‌ମେ, ଚିୟାଃତି ଆମ୍ ନେ କାମିମ୍ ରିକାଏରେଦ୍, ଆମ୍ ଆମାଃ ପାରିତ୍ରାଣ୍ ଆଡ଼ଃ ଆମ୍‌କେ ଆୟୁର୍‌ମେତାନ୍‌କ ବାଞ୍ଛାଅଃଆ ।

୫

ବିଶ୍ଵାସୀକଆଃ କାମିରାଃ ବାହାରମ୍

^୧ ହାଡ଼ାମ୍ ହଡ଼କକେ ଆଲମ୍ ମାରାଜ୍‌ମଚାକଆ, ମେନ୍ଦ ଆପୁଲେକା ମାଇନ୍‌କମେ ଆଡ଼ଃ ସେପେଡ଼େଦ୍‌କକେ ହାଗାକଲେକା ମାଇନ୍‌କମେ । ^୨ ବୁଡ଼ିଆକକେ ଏଙ୍ଗାଲେକା ଆଡ଼ଃ ତିଣ୍ଡା କୁଡ଼ିକକେ ଫାର୍‌ତି ମନ୍‌ତେ ମିଶିଲେକା ମାଇନ୍‌କମେ ।

* ୪:୧୪ ୪:୧୪ ଅବହେଲା

୩ ଏସକାରାକାନ୍ ରାଣ୍ଡିକୁଡ଼ିକକେ ଯାତ୍ନାଅକମେ । ୪ ମେନ୍ଦ ଦେତା ରାଣ୍ଡିକୁଡ଼ିଆଃ ହନ୍‌ଗାଁଣା ଚାଏ ଆୟାଃ ଜାଇହନ୍‌କ ମେନାକରେଦ, ଇନ୍‌କୁ ସିଦାତେ ଆକଆଃ ଅଡ଼ାଃରେନ୍‌କକେ ଭାକ୍ତି ଦେଖାଅ ନାଗେନ୍ତେ ଆତଃ ଏଜାଆପୁକଆଃ ବୁଗିନାଃ ରିକା ନାଗେନ୍ତେକ ଇତୁନ୍‌କା, ଚିୟାଃତି ନେଆଦ ପାରମେଶ୍ଵାର୍‌ଆଃ ନେପେଲ୍‌ରେ ସୁଗାଡ଼ାନ୍‌ଗିଆ । ୫ ସାର୍‌ତିଗି ଏସକାରକାନ୍ ଆତଃ ଜେତାଏ କାକ ଜାତାନିତାନ୍ ରାଣ୍ଡିକୁଡ଼ି, ପାରମେଶ୍ଵାର୍‌ତାଃରେ ଆସା ଦହକେଦ୍‌ତେ ନିଦା ସିଙ୍ଗି ଆୟାଃ ଦେଜାମାଙ୍ଗ ବିକ୍ରିତାନ୍‌ଲଃ ତାଇନ୍‌କାଏ । ୬ ମେନ୍ଦ ଜେତାଏ ରାଣ୍ଡିକାନ୍‌ରେୟ ରିଜ୍‌ରାଙ୍ଗ୍‌ରେ ତାଇନ୍‌ତାନ୍‌ନିଃ, ଜାନିଦ୍‌ ତାଇନ୍‌ରେୟଗି ଗଜାକାନାଏ । ୭ ଇନ୍‌କୁ ବେଗାର୍ ଚିଟାକାନ୍ ଲେକାକ ହବାଅଃଆ, ଏନାମେନ୍ତେ ଆମ୍ ନେ ସବେନାଃହଗି ଇନ୍‌କୁକେ ଆତୁକମେ । ୮ ମେନ୍ଦ ଜେତାଏ ଆୟାଃ କୁଟୁମକଆଃ ଆତଃ ଆୟାଃ ଅଡ଼ାଃରେନ୍‌କଆଃ ଯାତାନ୍ ଇଦି କାଏ ଦାଡ଼ିନିଃ ବିଶ୍ଵାସକେ ବାଗିକାଦା ଆତଃ ଇନିଃ କା ବିଶ୍ଵାସ୍‌ତାନ୍‌କଏତେ ପୁରାଃଗି ଏଡ଼କାନଃଆ ।

୯ ଜେତା ରାଣ୍ଡିକୁଡ଼ିଆଃ ବାୟାସ୍ ଷାଠିଏତେ ଆଦକା ବାରାଷ୍ ଆଉରି ହବାଅଃ ଜାକେଦ୍ ରାଣ୍ଡିକୁଡ଼ି ମେନ୍ତେ ଆଲକାଏ ହିସାବଃକା, ଇନିଃ ମିସାଗି ଆଣ୍ଡିକାନ୍‌ନିଃ ହବାଅଃକାଏ । ୧୦ ଆତଃ ଇନିଃ ଆୟାଃ ବୁଗିନ୍ କାମିରେ ନୁତୁମାକାନ୍‌ନିଃ, ନେ'ଲେକାଚି ଆୟାଃ ହନ୍‌କଆଃ ହାରାଆସୁଲ୍‌ନିଃ, କା ଚିହ୍ନା଼ରକଆଃ ସେଝାନିଃ, ପାବିତାର୍ ହଡ଼କଆଃ କାଟା ଆବୁଙ୍ଗ୍‌ନିଃ, ଦୁକୁତାନ୍‌କକେ ଦେଜାମିଃ ଆତଃ ସବେନ୍ ଲେକାନ୍ ବୁଗିନ୍ କାମିକରେ ଚିହ୍ନୁଲ୍‌ନିଃ ତାନିଃରେଦ, ଇନିଃ ରାଣ୍ଡିକୁଡ଼ିକଆଃ ନୁତୁମରେ ହିସାବଃକା ।

୧୧ ମେନ୍ଦ ଧାଙ୍ଗ୍‌ଡ଼ି ରାଣ୍ଡିକୁଡ଼ିକକେ ଆଲମ୍ ମେସାକଆ, ଚିୟାଃତି ଇନ୍‌କୁ କଡ଼ାକଲଃ ଏଡ଼କାନ୍ ସାନାଙ୍ଗ୍‌ରେ ଭୟଃକେଦ୍‌ତେ ଆଣ୍ଡିୟଃ ନାଙ୍ଗ୍‌କ ସାନାଙ୍ଗ୍‌ଆଃ, ଇମ୍‌ତା ଇନ୍‌କୁ ଯିଶୁ ଖ୍ରୀଷ୍ଟତାଃଏତେକ ସାଙ୍ଗିନଃଆ । ୧୨ ଆତଃ ଇନ୍‌କୁ ଆକଆଃ ପାହିଲା ବାନାର୍‌ସାକେ ବାଗିକାଦ୍ ନାଗେନ୍ତେ ଆକଗି ସାଜାଇକ ଆଉକାଦା । ୧୩ ଇନ୍‌କୁ ଜେତ୍‌ନାଃ କା କାମିକେଦ୍‌ତେ ଅଡ଼ାଃ ଅଡ଼ାଃ ହନ୍‌ରବାଡ଼ାତାନ୍‌ଲଃ ସାମାଏ ବିତାଅ ନାଗେନ୍ତେକ ଇତୁକାନା, ଏନା ଏସକାର୍ କାହାଗି,

ମେନ୍ଦ ସାମାଜିକ ଆଡ଼ ଏଟାଃକଆଃ ରୁପରା କାଜିକ କାଜିତାନ୍ଲଃ କା ଠାଉକାନ୍ କାଜିକ ଜାଗାରୁରାଃ । ୧୪ ଏନାମେନ୍ତେ ଧାଙ୍ଗଡ଼ି ରାଣ୍ଡିକ ଆଣ୍ଡିକେଦ୍ତେ ହନ୍ ଜାନାମ୍‌କକାକ, ଆକଆଃ ଅଡ଼ାଃରେୟାଃ କାମିକ କାମିକା, ମେନ୍ତେଇଙ୍ଗ୍ ସାନାଙ୍ଗ୍‌ତାନା, ନେକା ରିକାଲେରେ ବାଇରିକକେ ଆବୁଆଃ ବିରୁଧ୍‌ରେ ଏଡ଼କାନ୍ କାଜି ନାଗେନ୍ତେ ହରା କାକ ନାମେୟା । ୧୫ ଚିୟାଃଚି ନାହାଃହଚି ଚିମିନ୍ ଧାଙ୍ଗଡ଼ି ରାଣ୍ଡିକୃଡ଼ିକ ସାଏତାନ୍‌କେ ଅତଙ୍ଗ୍ ନାଗେନ୍ତେ ରୁହାଡ଼୍‌ୟାନ୍‌ଗିଆକ । ୧୬ ଜେତାଏ ବିଶ୍ୱାସୀ କୁଡ଼ିଆଃ ଅଡ଼ାଃରେ ରାଣ୍ଡିକୃଡ଼ିକ ମେନାକରେଦ, ଇନିଃ ଇନ୍‌କୁକେ ଦେଙ୍ଗାକକାଏ । ଏନାତେ କାଲିସିୟା ଚେତାନ୍‌ରେ ଇନ୍‌କୁଆଃ ବାହାରମ୍ ଆଲକା ଲାଦିୟଃକା, ଆଡ଼ କାଲିସିୟା, ଏସକାରାକାନ୍ ରାଣ୍ଡିକୃଡ଼ିକଆଃ ଯାତାନ୍ ଇଦି ନାଗେନ୍ତେ ଦାଡ଼ିୟା ।

୧୭ କାଲିସିୟାରେ ଅକନ୍ ପ୍ରାଚିନ୍‌କ ବୁଗିଲେକାତେ କାମିତାନ୍‌କକେ, ବିଶେଷ୍‌କେଦ୍ତେ ଅକନ୍‌କ ବାଚାନ୍ ଉଦୁବ୍‌ରେ ଆଡ଼ ଇନିଡୁରେ ଲାଗାଉତାରଃଚି କାମିତାନ୍‌କକେ ବାର୍ ହିସା ଆଦକା ମାଇନ୍ ନାମେଲେକା ବୁଗିନ୍ ନାଲା ଏମାକପେ । ୧୮ ଚିୟାଃଚି ଧାରାମ୍‌ପୁଅରେ ଅଲକାନା, “ବାବା ଦାଉଁରିତାନ୍ ଉରିଃକକଆଃ ମଚା ଆଲ୍‌ପେ ତଲେୟା,” ଆଡ଼ “କାମିତାନ୍‌ନିଃ ଆୟାଃ ନାଲା ନାମେଗିୟାଏ ।” ୧୯ ବାର୍‌ହଡ଼୍ ଚାଏ ଆପିହଡ଼୍‌ଏତେ ଆଦକା ଗାଞ୍ଜା ବାଙ୍ଗକରେଦ, ପ୍ରାଚିନ୍‌କଆଃ ବିରୁଧ୍‌ରେ ଚିଚାତାନ୍‌କଆଃ କାଜି ଆଲମ୍ ଆୟୁମାଃ । ୨୦ ଏଟାଃ ହଡ଼କ ବରଏକାକ ମେନ୍ତେ ପାପ୍‌ତାନ୍‌କକେ ସବେନ୍‌କଆଃ ଆୟାର୍‌ରେ ବତଙ୍ଗକମେ ।

୨୧ ଆଇଙ୍ଗ୍ ଆମ୍‌କେ ପାର୍‌ମେଶ୍ୱାର୍‌ଆଃ, ଯାଶୁ ଶ୍ରୀଷ୍ଟିଆଃ ଆଡ଼ ସାଲକାନ୍ ଦୁଁଡ଼କଆଃ ଆୟାର୍‌ରେଇଙ୍ଗ୍ ଆଚୁମେତାନ୍ ଆନାଚୁକେ ମାନାଡିଙ୍ଗମେ । ଜେତାଏୟାଃ ବିରୁଧ୍‌ରେ ମେଦମ୍‌ହାଡ଼୍ ନେଲ୍‌କେଦ୍ତେ ଆଲମ୍ ବିଚାରେୟା ଚାଏ ଜେଡନାଃ ଆଲମ୍ ରିକାୟା । ୨୨ ଜେତାଏରେ ଇମ୍‌ତାଗି ତିଃଇ ଦହକେଦ୍ତେ ବିନ୍ତିତାନ୍‌ଲଃ ପାର୍‌ମେଶ୍ୱାର୍‌ଆଃ ସେଞ୍ଜା କାମିନାଙ୍ଗ୍ ଆଲମ୍ ସାଲକଆ

☆ ୫:୧୮ ୫:୧୮ ମାଥୁଉ ୧୦:୧୦; ଲୁକ ୧୦:୭.

। ଏଟାଃକଆଃ ପାପ୍ରେ ଆଲମ୍ ମେସାନାଃ, ଆମ୍ ଆମ୍ଗି ପୀରତିଆକାନ୍ ତାଇନ୍ମେ ।

^{୨୩} ଦାଆଃ ଏସକାର କା ନୁଁକେଦ୍ତେ ଆମାଃ ଲାହିଦ୍‌ରାଃ ହାସୁଏତେ ଆଡଃ ସବେନ୍ ଇମତା ଆମାଃ ହଡ଼୍‌ମ ବେଗ୍ କା ତାଇନ୍‌ତାନ୍ ହିରାତେ ଆମ୍ ହୁଡ଼ିଙ୍ଗ୍‌ଲେକା ଦାଖିରାସି ନୁଁଇମେ ।

^{୨୪} ଚିମିନ୍ ହଡ଼କଆଃ ପାପକ ବିଚାରରେୟାଃ ସିଦାରେ ନେଲଃତାନା ମେନ୍‌ଦ ଚିମିନ୍ ହଡ଼କଆଃ ପାପକ, ତାୟମ୍‌ତେ ନେଲଃତାନା । ^{୨୫} ଏନ୍‌ଲେକାଗି ରୁଗିନ୍ କାମିକ ରୁଗିଲେକା ନେଲଃତାନା ଆଡଃ କା ନେଲଃତାନ୍‌ତେୟାଃ ଉକୁକାନ୍‌ଗି କା ତାଇନ୍ ଦାଡ଼ିୟାଆ ।



^୧ ଯାଶୁ ଖ୍ରୀଷ୍ଟକେ ବିଶ୍ୱାସତାନ୍ କିରିଙ୍ଗ୍‌ୟାକାନ୍ ଦାସି ଲେକା ଆଡ଼ନାରେୟାଃ ଆକ୍‌ତେୟାରରେ ମେନାକ ସବେନ୍ ଦାସିକ ଆପ୍‌ନାଃ ଗୁସିୟାକକେ ସବେନ୍ ଲେକାତେ ମାଇନ୍‌କପେ, ଜେ'ଲେକାଚି ଜେତାଏ ପାରମେଶ୍ୱାରଆଃ ନୁଡୁମ୍ ଆଡଃ ଆରୁଆଃ ଇନିତୁକେ ଏଡ଼କାନାଃ ତାନାଃ ମେନ୍ତେ କାକ କାଜିୟା । ^୨ ଆଡଃ ଅକନ୍ ଦାସିକଆଃ ଗୁସିୟାକ ବିଶ୍ୱାସୀତାନ୍‌କ, ଇନ୍‌କୁକେ ଆରୁଆଃ ହାଗାକ ତାନ୍‌କ ମେନ୍ତେ ମାଇନ୍ ଏମ୍ ନାଗେନ୍ତେ ଆଲ୍‌ପେ ହିଚ୍‌କିତାଅଆ, ମେନ୍‌ଦ ପୁରାଃତେ ଇନ୍‌କୁକେ ସୁସାରକପେ, ଚିୟାଃଚି ଅକନ୍‌କ ଆକଆଃ କାମିତେ ଲାଭକ ନାମେତାନା, ଇନ୍‌କୁ ହଗି ବିଶ୍ୱାସୀ ଆଡଃ ପୁରାଃ ଦୁଲାଡ଼୍ ନାମେ ଲେକାନ୍‌କ ତାନ୍‌କ । ନେ ସବେନାଃ ଆମ୍‌କେ ଇତୁ ଆଡଃ ଉଦୁବ୍ ଲାଗାତିଙ୍ଗ୍‌ୟାଃ ।

ହସଡ଼ ଇନିତୁ ଆଡଃ ସାରତି ଖୁଜ୍

^୩ ଜେତାଏ ଆରୁଆଃ ପ୍ରାଭୁ ଯାଶୁ ଖ୍ରୀଷ୍ଟଆଃ ସାରତି ଇନିତୁ ଲେକା କାଏ ଇତୁତାନା, ଚାଏ ଆୟାଃ ଇନିତୁ କା ମେସାଅଃତାନା ଆଡଃ ଧାରାମ୍ ବିଶ୍ୱାସରେଆଃ ଇନିତୁଏତେ ଏଟାଃଲେକାଏ ଇତୁତାନ୍‌ରେଦ୍, ^୪ ଇନିଃ ଜେଡ଼ନାଃ କା ସାରିକେଦ୍‌ତେ ଆପାନ୍‌କେ ମାରାଙ୍ଗ୍ ମେନ୍ତେ କାଜିନାଃ । ଇନିଃ ଏଡ଼କାନ୍ ସାନାଙ୍ଗ୍, ଧାରାମ୍‌ପୁଅରାଃ ବାଚାନ୍ ବିଷାଏରେ କାପ୍‌ଜି, ହିସଙ୍ଗା, ଏପ୍‌ରାଙ୍ଗ୍, ଏଟାଃକଆଃ ନିନ୍‌କାଜି,

ଆତ୍ମ ଏତ୍‌କାନାଃକ ଉତ୍‌ଗୁଃଏ, * ଆତ୍ମ ଅକନ୍‌କ ଧାରାମ୍ ବିଶ୍ୱାସ୍‌ଗି କିର୍ସାଣ୍ ହବାଅଃ ନାଗେନ୍ତେ ମିଆଁଦ୍ ହରାତାନାଃ ମେନ୍ତେକ ଉତ୍‌ଖୁଇୟା, ନେ ଲେକାନ୍ ହତ୍‌କ ବେଗାର୍ ଉତ୍‌ଖୁକେଦ୍‌ତେ ସାମାକାଜିତେକ କାପ୍‌ଜିୟାଃ ଆତ୍ମ ସାନାର୍‌ତି ଇନ୍‌କୁତାଃରେ ବାନଃଆ ।

୧୫ ଧାର୍‌ମାନ୍ ହତ୍‌ ସାର୍‌ତିତେ କିର୍ସାଣ୍ ତାନିଃ, ଚିୟାଃତି ଇନିଃତାଃରେ ଅକ୍‌ନାଃ ମେନାଃ ଇମ୍‌ନାଙ୍‌ରେଗି ଇନିଃ ସୁକୁଃତାନାଏ । ୧୬ ଚିୟାଃତି ଆବୁଦ ଅତେଦିଶ୍ୱମ୍‌ତେ ଜେତ୍‌ନାଃ କାବୁ ଆଉ, ଆତ୍ମ ନେତାଃଏତେ ଜେତ୍‌ନାଃ କାବୁ ଇଦି ଦାଡିୟା । ୧୭ ମେନ୍‌ଦ ଆବୁତାଃରେ ଜମେୟାଃ, ଆତ୍ମ ତୁସିଙ୍‌ ନାଗେନ୍ତେ ଲିଜାଃ ମେନାଃରେଦ, ଆବୁ ନାଙ୍ ଇମ୍‌ନାଙ୍‌ଗି ଲାଗାତିଙ୍‌ୟାଃ । ୧୮ ଜେତାଏ କିର୍ସାଣ୍ ହବାଅଃ ନାଙ୍ ସାନାଙ୍‌ତାନରେଦ, ବିତ୍‌ଅ ଆତ୍ମ ଏତ୍‌କାନ୍ ଫାଁସ୍‌ରେକ ଉୟୁଗଃଆ, ଆତ୍ମ ଆକଆଃ ମନ୍‌ରେ ପୁରାଃ କା ଲାଗାତିଙ୍ ଏତ୍‌କାନ୍‌ରାଃ ସାନାଙ୍‌ରେକ ଉୟୁଗଃଆ, ନେ ସବେନାଃ ଇନ୍‌କୁକେ ଜିୟନଃ ନାଗେନ୍ତେ ଆଇନ୍ ଇଦିକଆ । ୧୯ ଚିୟାଃତି ଟାକା ପାଏସାରାଃ ଦୁଲାଡ୍, ସବେନ୍ ଲେକାନ୍ ଏତ୍‌କାନାଃରାଃ ରେହେଦ୍ ତାନାଃ । ଚିମିନ୍ ହତ୍‌କ ଟାକା ପାଏସା ନାମେ ନାଙ୍ ପୁରାଃ ସାନାଙ୍‌ତାନ୍ ହରାତେ, ଇନ୍‌କୁ ଆକଆଃ ବିଶ୍ୱାସ୍‌କ ବାଗିକେଦ୍‌ତେ ଏତ୍‌କାନ୍ ହରାକ ଅତଙ୍‌କାଦା ଆତ୍ମ ପୁରାଃ ଦୁକୁତେ ଆକଆଃ ମନ୍‌ସୁରୁଦ୍‌କ ଦୁକୁଃତାନା ।

ତୁଣ୍ଡୁ କୁଜି

୨୦ ମେନ୍‌ଦ ହେ ତାମଅ, ଆମ୍ ମିହୁଡ୍, ପାର୍‌ମେଶ୍ୱାର୍‌ଆଃ ହତ୍‌ ତାନ୍‌ମେ, ଏନାତେ ନେ ସବେନାଃଏତେ ସାଜିନଃମେ ଆତ୍ମ ଧାର୍‌ମାନ୍, ପାର୍‌ମେଶ୍ୱାର୍‌ଆଃ କାଜିଲେକା ସେସେନ୍‌ମେ, ବିଶ୍ୱାସ୍, ଦୁଲାଡ୍, ସାହାତିଙ୍ ଜାଞ୍ଜାନ୍ ଆତ୍ମ ଲେବେଃମନ୍‌ତେ ସେସେନ୍‌ମେ । ୨୧ ଶ୍ରୀଷ୍ଟ ବିଶ୍ୱାସ୍‌ରାଃ ବୁଗିନ୍ ଲାଡାଈରେ ଲାଡାଈମେ, ଜାନାଅ ଜାନାଅରେୟାଃ ଜାଦାନ୍ ସାବାକାମେ, ଏନା ନାଗେନ୍ତେ ପାର୍‌ମେଶ୍ୱାର୍ ଆମ୍‌କେ ସାଲାକାଦ୍‌ମେୟା ଆତ୍ମ ପୁରାଃ ଗାଞ୍ଜାକଆଃ ସାମ୍‌ନାଙ୍‌ରେ ବୁଗିନ୍ ଗାଞ୍ଜାମ୍ ଏମାକାଦା । ୨୨ *ସବେନକକେ ଜାଦାନ୍ ଏମ୍‌ତାନ୍ ପାର୍‌ମେଶ୍ୱାର୍‌ଆଃ ସାମ୍‌ନାଙ୍‌ରେ ଆତ୍ମ ପତ୍ତିୟସ୍ ପିଲାଡୁସ୍‌ଆଃ ଆୟାର୍‌ରେ ବୁଗିନ୍ ଗାଞ୍ଜା ଏମ୍‌ତାନ୍‌ନିଃ ଯାଶୁ

☆ ୬:୧୩ ୬:୧୩ ଯୋହାନ୍ ୧୮:୩୭.

ଖ୍ରୀଷ୍ଟଆଃ ସାମ୍ବନ୍ଧରେ, ଆଇଙ୍ଗ୍ ଆମ୍ବେଇଙ୍ଗ୍ ଆରୁମେତାନା । ୧୪ ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ଆତଃମିସା ହିନିଜୁଃ ଜାକେଦ୍ ଆମ୍ବେ ଏମାକାଦ୍ମେ ଆନାରୁକେ ମାନାତିଙ୍ଗ୍ତାନଲ୍ଲଃ, ବେଗାର୍ ଦାରିୟଃ ଆତଃ କା ନିନ୍ଦାଅଃ ଲେକା ତାଇନ୍ମେ । ୧୫ ଯୀଶୁ ଖ୍ରୀଷ୍ଟଆଃ ଆତଃମିସା ହିନିଜୁଃ ବିଷ୍ଟାଏରେ ପାର୍ମେଶ୍ଵାର୍ ଆଇଃକ୍ରି ଦିପିଲି ସାଲ୍ୟୟା, ଇନିଃ ଧାଇନ୍ରିୟାଏ ଆତଃ ଇନିଃ ଏସ୍କାର୍ ଆକ୍ତେୟାର୍ ନାମାକାଦ୍ନିଃ, ରାଜାକଆଃ ରାଜା ଆତଃ ପ୍ରାଭୁକଆଃ ପ୍ରାଭୁ ତାନିଃ । ୧୬ ଇନିଃ ଏସ୍କାର୍ ଚିତ୍ତଲ୍ୟ କାଏ ଗଜଃଆ, ଆତଃ ଜେତାଏ ଇନିଃକେ କା ତେବାଃ ଦାଡ଼ିୟଃଲେକାନ୍ ମାୟ୍ଲାଲ୍ରେ ତାଇନଃତାନା । ଇନିଃକେ ଜେତାଏ ହଡ୍ ଚିତ୍ତଲ୍ୟ କାକ ନେଲ୍ ତାଏ କାକ ନେଲ୍ଦାଡ଼ିୟା । ଇନିୟାଃ ମାଇନାନ୍ ଆତଃ ପେଡ଼େଃ ଜାନାଅ ଜାନାଅ ହବାଃଅକା ! ଆମେନ୍ ।

୧୭ ନେ ଅତେଦିଶୁମ୍ରେନ୍ କିସାଁଣ୍ ହଡ୍କ, ଆପେ ଆପାନ୍କେ ମାରାଙ୍ଗ୍ ମେନ୍ତେ ଆଲପେ କାଜିନ୍ ଆତଃ କା ତାଇନଃ ଜିନିଷ୍ରେ ଆଲପେ ଆସ୍ତାଏୟା, ମେନ୍ଦ୍ ଆରୁକେ ଆରୁଆଃ ସୁକ୍ତରାସିକା ନାଙ୍ଗ୍ ସବେନାଃ ଏମାରୁତାନ୍ ପାର୍ମେଶ୍ଵାର୍ତାଃରେ ଆସ୍ତାଏପେ ମେନ୍ତେ ଆରୁକମ୍ । ୧୮ ଆତଃ ବୁଗିନାଃ ରିକାକେଦ୍ତେ ବୁଗିନ୍ କାମିକରେ କିସାଁଣ୍ପେ, ଆତଃ ଲେବେଃ ମନ୍ତେ ଏଟାଃକଲ୍ଲଃ ହାଟିଙ୍ଗ୍ ନାଙ୍ଗ୍ ସେକାଡ଼ାକାନ୍ପେ ମେନ୍ତେ ଆରୁକମେ । ୧୯ ନେ ଲେକାକ ରିକାଏରେଦ୍, ଇନ୍କୁ ଆକଆଃ ନାଗେନ୍ତେ ହିଜୁଃ ଦିପିଲିରେ ପୁରାଃ ଖୁଜ୍ ହୁଣ୍ଡିୟାକ । ଏନ୍ ଖୁଜ୍ ହବାଅଃତାନା ନିହ୍ ଗାଡା, ଅକ୍ନାଃରେଚି ଇନ୍କୁଆଃ ହିଜୁଃ ଦିପିଲିରାଃ ଜୀଦାନ୍ ତିଙ୍ଗ୍ ଦାଡ଼ିୟଃଆ । ଏନ୍ତେ ଚୁଣ୍ଡୁରେ ଇନ୍କୁ ସାର୍ତି ଜୀଦାନ୍କ ନାମେୟା ।

୨୦ ହେ ତାମଥ୍, ଆମାଃତାଃରେ ଜିମାକାନ୍ ବାହାରମ୍ବେ ବୁଗିଲେକା ମାନାତିୟେମେ, ଚିମିନ୍ ହଡ୍କ ସାମାକାଜିକେ ଆତଃ ଡଣ୍ଡୁ କାପ୍ତିକେ ବୁଗିନ୍ ସେଣାଁ ତାନାଃ ମେନ୍ତେକ କାଜିତାନା, ଏନାକଏତେ ଆମ୍ ସାଙ୍ଗିନ୍ରେ ତାଇନ୍ମେ । ୨୧ ଚିମିନ୍ ହଡ୍କ ଏନାଗି ସାର୍ତି ତାନାଃ ମେନ୍ତେ କାଜିତାନ୍ଲ୍ଲଃ, ଇନ୍କୁ ଆକଆଃ ବିଶ୍ଵାସ୍ ଆଦାକାଦା । ପାର୍ମେଶ୍ଵାର୍ଆଃ ସାୟାଦ୍ ଆପେ ସବେନ୍କଲ୍ଲଃ ହବାଅଃକା ।

ପାରମେଶ୍ଵରୀୟାଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵରୀୟାଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

ପାରମେଶ୍ଵରୀୟାଃ ଜୀନିଦ୍ ବାଚାନ୍
ନାଞ୍ଜା ନିୟାମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6